



Histeerooskooppii

Odeeffannoo dhukkubsattoota deddeebi'anii yaalamaniif

Histeerooskooppiin adeemsa yaalaa ogeessi ispeeshaalistii sirna walhormaata keessan keessoo gadameessa keessanii akka ilaalu dandeessisudha. Rakkoo fayyaa qabaachuu keessan adda baasuuf ykn yaala isin barbaachisu murteessuuf kana fayyadamna.

Yeroo isin dammaqtanii jirtanitti, akka adeemsa yaala dhukkubsattoota deddeebi'anii yaalamaniitti histeerooskooppii isiniif gochuu barbaadna. Kunis beellama keessaniif dhuftanii guyyuma sana gara manaatti ni deebitu jechuudha.

Yoom histeerooskooppiin isin barbaachisuu danda'a?

Wanta sababa ta'e adda baasuuf histeerooskooppiin isin barbaachisuu danda'a:

- dhala dhabuu
- laguulfaataa ykn sirnaan hin dhufne
- sababa umuriitiin erga laguun dhaabbatte booda dhiiguu
- ulfi ba'uu
- meeshaan to'annoo da'umsaa gadameessa keessaa (IUD) keessatti maxxanee hafuu.

Kana qorannoo histeerooskooppii jenna. Qorannoon histeerooskooppii daqiiqawwan muraasa fudhata.

Nuti kanneen gochuu akka dandeenyuuf histeerooskooppiin isin barbaachisuu danda'a:

- faaybiroyidoota ykn poolippoota baasuuf
- meeshaa to'annoo da'umsaa IUD keessan baasuuf.

Kana yaalaa histeerooskooppii jenna. Wal'aansi histeerooskooppiin daqiiqaa 10 caalaa xiqqoo dheerachuu danda'a.

Histeerooskooppiif of qopheessuun akkamitti akka danda'amu

Yeroo histeerooskooppii gootan laguulfaataa irratti yoo jiraattaniyyuu dhiibbaa hin qabu.

Yoo carraan ulfa ta'uu keessanii jiraate, histeerooskooppii gochuu hin dandeesan.

Guyyaa histeerooskooppii keessanii, qoricha dhukkubbii hir'isu akka fudhattan ni gorsina. Osoo beellamni keessan hin ga'in sa'aatii walakkaa dura paaraasetaamool ykn ayibuupiroofeen fudhadhaa.

Yeroo beellama keessaniif dhuftan, ogeessi fayyaa waan uumamuu danda'u isiniif ibsa. Gaaffiiwwan kamiyyuu gaafachuu dandeessu.

Yeroo histeerooskooppii gootan maalitu ta'a?

Kessoo gadameessa keessanii ilaaluuf histeerooskooppii fayyadamna. Histeerooskooppiin akka teleskooppii qalloo fiixee isaa irratti kaameraa qabuuti.

Yeroo histeerooskooppii gootan, meeshaan kun karaa qaama saalaa keessanii gara gadameessa keessaniitti gadi galfama.

Histeerooskooppiichi keessoon gadameessa keessanii maal akka fakkaatu suuraa nutti agarsiisa.

Yoo qorannoof saamuda barbaadne, nuti:

- speakulamii karaa qaama saalaa keessanii gadi galchina
- isprayii ykn lilmeedhaan hadoochituu kutaa qaamaa tokko qofaf isiniif kennina
- iswaabii fayyadamuun keessoo gadameessa keessanii irraa saamuda fudhanna
- saamudicha gara paatooloojiitti ergina.

Yeroo histeerooskooppiin taasifamu dammaqtanii turtu. Yoo jaallattan, waan ta'aa jiru ilaalu dandeessu.

Yeroo tokko tokko histeerooskooppiicha gara gadameessa keessaniitti gadi galchuun rakkisaa ta'uu danda'a. Yoo kun uumame, adoochituu ykn hadoochituu guutuu fayyadamuun irra deebinee yaaluuf beellama biraa isiniif qopheessina.

Histeerooskooppii keessan booda

Ogeessi fayyaa wanta argate isiniif ibsa. Gaaffilee qabdan kamiyyuu isaanii gaafachuu dandeessu.

Yoo saamuda fudhanne ta'e, bu'aa qorannootiif torban muraasa eeguun isin barbaachisuu danda'a.

Yoo beellamni biroo isin barbaachise isiniitti himna:

- bu'aa qorannootiif hakima keessan ykn GP keessan biratti

- yaala ykn qorannoowwan dabalataaf Kilinikoota Ispeeshaaliistii Sirna Walhormaata dubartootaa keessatti.

Yoo gara Kilinika Ispeeshaaliistii Sirna Walhormaata deebi'uun isin barbaachise, beellamicha isiniif qopheessina.

Ogeessi fayyaa isin waliin erga dubbatee booda, akkasumas bahuuf qophii ta'uu keessan yommuu isinitti dhaga'amu gara manaatti galuu ni dandeessu.

Yeroo histeerooskooppii gotan balaawwan uumamuu danda'an jiruu?

Yeroo histeerooskooppii gotan balaawwan xixiqqoo uumamuu danda'an jiru. Namoonni muraasni kanneen qabaachuu danda'u:

- dhiiguu
- uraa ykn qaawwa keessoo gadameessa keessanii irratti uumamuu
- infekshinii.

Rakkoolee dabalataa kamiyyuu irratti isin gargaarra.

Histeerooskooppii booda mallattoolee akkamii qabaachuu dandeessu?

Namoonni baay'een histeerooskooppii booda dhukkubbii salphaa qofa qabaatu.

Mallattoolee biroo muraasa qabaachuu dandeessu:

- of wallaaluu
- dhukkubbii mirmirsaa kan akka dhukkubbii laguu
- dhiiguu
- ol nama jechuu
- dadhabina
- dhukkubbii maashaa
- dhukkubbii gateettii keessanii.

Gara manaatti erga galtanii booda

Histeerooskooppii keessan booda gara manaatti namni isin geessu isin hin barbaachisu, garuu yoo jaallattan nama tokko qabattanii dhufuu dandeessu.

Yoo namni gara manaatti isin geessu isin barbaachisa jennee yaadne, guyyaa yaalii keessanii nama sanaaf ni bilbilla.

Sochii qaamaa idilee keessaniitti deebi'uu dandeessu:

- dhiiguun kamiyyuu erga dhaabbatee booda
- yeroo fayyaa gaarii qabaachuu keessan isinitti dhagahamu.

Torban 2 booda qunnamtii saalaa idilee keessaniitti deebi'uu dandeessu.

Yoo gargaarsi fayyaa isin barbaachise

Yoo waa'ee mallattoolee keessanii yaaddoftan, kanneen armaan gadii gochuu ni dandeessu:

- ogeessa fayyaa keessan haasofsiisuu
- gara kutaa Balaa Tasaa isinitti dhiyoo jiru deemuu.

Yoo ariifachiisaa ta'e, lakkoofsa Zeeroo sadii (000) irratti bilbilaa.

Turjumaana ni barbaadduu?



Yoo kan isin barbaachisu ta'e turjumaana gaafachuu dandeessu.

Gargaarsa Miidhaa Maatii Keessatti Raawwatamuuf

Sarara Kabaja Gargaarsaa Biyoolessaa 1800

Yoo miidhaan fi hachuuccaan saalaa, mana keessaa ykn maatii isin mudate gargaarsa argachuu dandeessu.

Galgala ykn guyyaa yeroo barbaaddan bilbiluu dandeessu.

1800 737 732

1800respect.org.au

Odeeffannoo dabalataatiif

Waraqaa odeeffannoo keenya

Histeerooskooppii - Dandamachuu yaalii keessan osoo hospitaala hin ciisin taasifame boodaa

jedhu.dubbisaa.thewomens.org.au/health-information/fact-sheets#hysteroscopy-your-recovery-after-an-awake-outpatient-procedure

Kilinikoota Ispeeshaaliistii Sirna Walhormaata Dubartootaa keessatti

(03) 8345 3033

thewomens.org.au

Naarsii irratti bilbilaa

Odeeffannoo fi gorsa waliigalaatiif Nurse on call irratti bilbiluu dandeessu.

Galgala ykn guyyaa yeroo barbaaddan bilbiluu dandeessu. 1300 60 60 24